



ԸՆԴՈՒՆԵԼՈՒԹՅՈՒՆՆԵՐ ՄԱՅՐ ԱԹՈՌՈՒՄ

ԳԱՐԵԳԻՆ Բ ԱՄԵՆԱՅՆ ՀԱՅՈՅ ԿԱԹՈՂԻԿՈՍԸ ՍՏՈՐԱԳՐԵՅ ՕԼԻՄՊԻԱԿԱՆ ԶԻՆԱԴԱԴԱՐԻ ՎԵՐԱԲԵՐՅԱԼ ԿՈՉԸ

Փետրվարի 7-ին Ն. Ս. Օ. Տ. Տ. Գարեգին Բ Ամենայն Հայոց Կաթողիկոսն ընդունեց Հունաստանի խորհրդարանի անդամ Սոֆիա Կալաձակոսին:

Ինչպես Վեհափառ Հայրապետին հայտնեց փիկ. Կալաձակոսը, իր այս առաքելության նպատակն է օլիմպիական խաղերի նախօրեին խաղաղության և զինադադարի կոչ հղել աշխարհի բոլոր հակամարտող երկրներին:

Հանդիպման ընթացքում Հայոց Հայրապետը ստորագրեց օլիմպիական զինադադարի վերաբերյալ կոչը, որի ներքո իրենց ստորագրություններն են դրել բազմաթիվ նշանավոր անձինք, որոնց թվում նաև փարբեր Եկեղեցիների շուրջ 50 բարձրաստիճան հոգևորականներ:

«Ողջունում ենք բոլոր այն նախաձեռնությունները, որ ուղղված են խաղաղության հաստատմանը: Այս պատգամն է, որ մշտապես ու առավելաբար հնչում է նաև մեր Եկեղեցում», ասաց Հայոց Հայրապետը:

ՎԵՆԱՓԱՌ ՀԱՅՐԱԴՐԵՏՆ ԸՆԴՈՒՆԵՅ ԻՍՐԱՅԵԼԻ ԴԵՍՊԱՆ ՌԻՖԿԱ ԿՈՆՏԵՆՆ

Նույն օրը Ն. Ս. Օ. Տ. Տ. Գարեգին Բ Ամենայն Հայոց Կաթողիկոսն ընդունեց Հայաստանում Իսրայելի դեսպան Ռիֆկա Կոհենին (նստավայրը՝ Թբիլիսի):

Վեհափառ Հայրապետը ողջունեց Կոհենի անդրանիկ այցը հայոց հոգևոր կենտրոն: Նորին Սրբությունը համոզմունք հայտնեց, որ փարաժաշրջանում դեսպանի ներկայությունը իր նպաստը կրերի Հայաստանի և Իսրայելի միջև կապերի զորացմանը:

Նորին Սրբությունն իր խոսքն ավարտեց առ Աստված հղած աղոթքով՝ հանուն աշխարհի խաղաղության և ժողովուրդների միջև սիրո ու փոխհասկացողության հաստատման:

ՎԵՏԱՓԱՌ ՀԱՅՐԱՊԵՏՆ ԸՆԴՈՒՄՆԵՑ

ԲՈՒՇ ԴՅՈՒ ԲՈՆ ՇՐՋԱՆԻ ԳԼԽԱՎՈՐ ԽՈՐՀՐԴԻ ՆԱԽԱԳԱՀ, ՍԵՆԱՏՈՐ ԺԱՆ ՆՈԷԼ ԳԵՐԻՆԻԻ ԳԼԽԱՎՈՐԱԾ ՊԱՏՎԻՐԱԿՈՒԹՅԱՆԸ

Փետրվարի 12-ին Ն. Ս. Օ. Տ. Տ. Գարեգին Բ Ամենայն Հայոց Կաթողիկոսն ընդունեց Ֆրանսիայի Բուշ դյու Ռոն շրջանի գլխավոր խորհրդի նախագահ, սենատոր Ժան Նոել Գերինիի գլխավորած պատվիրակությանը:

Նորին Սրբությունն ու պրն Գերինին ջերմությամբ հիշեցին անցած տարի Մարսելում իրենց անդրանիկ հանդիպումը, որը և, ըստ պրն Գերինիի, լրացուցիչ ազդակ է հանդիսացել ֆրանսիական պատվիրակության այս այցի համար:

Զրույցի ընթացքում պրն Գերինին, հայտնելով իր պատրաստակամությունը Հայաստանին, ինչպես նաև Հայ Առաքելական Եկեղեցուն օգնություն ցուցաբերելու համար, նշեց, որ կարելիություն օժանդակելու է Մարսելի հայոց եկեղեցու վերանորոգման աշխատանքներին:

Վեհափառ Հայրապետն իր նրախաղաղությունը, միաժամանակ և սերն ու գնահատանքը հայտնեց Ֆրանսիայի ժողովրդին ու պետությանը՝ ֆրանսահայության հանդեպ ունեցած ջերմ վերաբերմունքի համար:

Ֆրանսիական պատվիրակության կազմում էր Արևմտյան Եվրոպայի Հայրապետական պատվիրակի փոխանորդ Տ. Տարոն եպս. Ճերեճյանը:

ՎԵՆՓԱՓԱՌ ՀԱՅՐԱՊԵՏՆ ԸՆԴՈՒՆԵՑ ՀԱՅԱՍՏԱՆՈՒՄ ԻՐԱՔԻ ԳՈՐԾԵՐԻ ՀԱՎԱՏԱՐՄԱՏԱՐ ԱԲԴՈՒՄ ԱՐԱՍ ՄՈՒԶԿԱՐ ԱՄ ԲԱԴԻՐԻՆ

Փետրվարի 19-ին Ն. Ս. Օ. Տ. Տ. Գարեգին Բ Ամենայն Հայոց Կաթողիկոսն ընդունեց Հայաստանում Իրաքի գործերի ժամանակավոր հավաքարմարար Աբդուլ Աբաս Մուզհար Ալ Բադրիին:

Հայոց Հայրապետը հույս հայտնեց, որ Հայաստանում Իրաքի նորահասարակ դեպատմությունն իր նպատակը կբերի երկու երկրների երկկողմ հարաբերությունների զարգացմանը: Հանդիպման ընթացքում կարևորվեց նաև իրաքահայ համայնքի դերը Իրաքի այսօրվա կյանքում:

Հանդիպման ավարտին Նորին Սրբությունն աղոթք բարձրացրեց առ Աստված հանուն աշխարհի և ժողովուրդների խաղաղության՝ մաղթելով, որ Աստված խաղաղություն պարգևի նաև Իրաքի ժողովրդին:

ՎԵՆՓԱՓԱՌ ՀԱՅՐԱՊԵՏԻՆ ՀՐԱԺԵՇՏ ՏՎԵՑ ՄԻՐԻԱՅԻ ԴԵՄՊԱՆԸ

Նույն օրը Ն. Ս. Օ. Տ. Տ. Գարեգին Բ Ամենայն Հայոց Կաթողիկոսին հրաժեշտ տրալու նպատակով Մայր Աթոռ Սուրբ Էջմիածին այցելեց Սիրիայի Արաբական Հանրապետության դեսպան Համեդ Հասանը, որն ավարտում է դիվանագիտական իր առաքելությունը Հայաստանում:

Վեհափառ Հայրապետը բարձր գնահատեց դեսպանի ավելի քան 4-ամյա գործունեությունը մեր երկրում՝ հաստատելով, որ շնորհիվ դեսպանի ջանքերի տեսանելի արդյունքներ են արձանագրվել երկու երկրների և ժողովուրդների հարաբերությունների զորացման գործում:

«Նորապետ զգացված ենք նաև այն օգտակարության համար, որ ձեր գործունեության ընթացքում ցուցաբերել եք Հայ Եկեղեցու և Մայր Աթոռ Ս. Էջմիածնի նկատմամբ», ասաց Վեհափառ Հայրապետը՝ մասնավորապես հիշատակելով դեսպանի ջանքերը անցած տարի Հայոց Մեծ եղեռնի տարելիցին Նորին Սրբության Դեր Զոր կատարած ուխտագնացության կազմակերպման գործում:

«Հայաստանում գտնվելուս ընթացքում Էջմիածինն ինձ համար մշտապես եղել է կարևոր ու մեծ նշանակություն ունեցող այն վայրը, ուր ցանկացել եմ լինել: Վերադառնում ենք Սիրիա լավագույն տրամադրություններով Ձեր երկրի, ժողովրդի և Եկե-

ղեցու մասին», ասաց պրն Վամեղ Նասանը՝ իր երախտագիտությունը հայտնելով Վեհափառ Հայրապետի բարձր գնահատանքի և ուշադրության համար:

Նրաժեշտը փալով դեսպանին՝ Նորին Սրբությունը հաջողություն մաղթեց նրան դիվանագիտական հետագա առաքելության մեջ՝ համոզմամբ, որ այսուհետև ևս այն շարունակվելու է նաև ի շահ երկու երկրների ու ժողովուրդների բարեկամության:

ՎԵՆԱՓԱՌ ՀԱՅՐԱՊԵՏՆ

ԸՆԴՈՒՆԵՑ ՄԵՐԳԵՅ ՍՏԵՊԱՇԻՆԻՆ

Փետրվարի 20-ին Ն. Ս. Օ. Տ. Տ. Գարեգին Բ Ամենայն Հայոց Կաթողիկոսն ընդունեց ՌԴ հաշվիչ պալատի նախագահ Մերգեյ Սյուպաշինին:

Վեհափառ Հայրապետն իր ուրախությունը հայտնեց պրն Սյուպաշինի այցի կապակցությամբ՝ նշելով, որ նման այցելությունները Մայր Աթոռ Ս. Էջմիածին նպաստում են նաև հայ և ռուս ժողովուրդների հոգևոր կապերի սերտացմանը: Նորին Սրբությունը գոհունակությամբ նշեց, որ պապմական դարավոր հենքի վրա խարսխված երկու ժողովուրդների բարեկամությունը շարունակում է զարգանալ և անկախության այս փարիներին՝ բերելով իրենց բարի արդյունքները ի շահ երկու ժողովուրդների բարօրության:

Պրն Սյուպաշինը շնորհակալություն հայտնեց ընդունելության համար: Նա չափազանց կարևոր նկատեց Եկեղեցու դերը ժողովրդի կյանքում, հատկապես երիտասարդ սերնդի հոգևոր-բարոյական դաստիարակության գործում:

ՎԵՆԱՓԱՌ ՀԱՅՐԱՊԵՏՆ

ԸՆԴՈՒՆԵՑ ՆՈՐ ՊԱՊԱԿԱՆ ՆՎԻՐԱԿԻՆ

Մարտի 19-ին Ն. Ս. Օ. Տ. Տ. Գարեգին Բ Ամենայն Հայոց Կաթողիկոսն ընդունեց Անդրկովկասյան երկրներում Նոր պապական նվիրակ, եպիսկոպոս Կլաուդիո Գուջերոտտիին՝ հայր Զալուսկու ուղեկցությամբ (նստավայրը՝ Թբիլիսի):

Նորին Սրբությունը ողջունեց եպիսկոպոս Գուջերոտտիի Նոր նշանակումը և ուրախություն հայտնեց, որ պապական նվիրակը քաջաձանոթ է հայ ժողովրդի պատմությանը, մշակույթին և այսօրվա կյանքին: Վեհափառ Հայրապետը, անդրադառնալով Հովհաննես-Պողոս Երկրորդ Պապի՝ 1700-ամյակի առիթով Հայաստան կապարած այցին, իր գոհունակությունը հայտնեց երկու Եկեղեցիների միջև ամկա եղբայրական հարաբերությունների և համագործակցության համար:

Պապական նվիրակը, Վեհափառ Հայրապետին փոխանցելով Հովհաննես-Պողոս Երկրորդ Պապի ողջույնները, շնորհակալություն հայտնեց ընդունելության հա-

մար և վստահեցրեց, որ պիտի աշխարհի ըստ ամենայնի իր նպատարը բերել Հայ և Կաթոլիկ Եկեղեցիների Էկումենիկ կապերի առավել սերտացմանը և համագործակցության գորացմանը՝ ի մասնավորի կրթական և սոցիալական ասպարեզներում:

Վեհափառ Հայրապետն իր բարեմաղթանքները հղեց Հռոմի Սրբազան Բախա-նայապետին և հաջողություններ մաղթեց նորանշանակ պապական նվիրակին իր առաքելության մեջ:

ՎԵՏԱՓԱՍ ՀԱՅՐԱՊԵՏՆ ԸՆԴՈՒՆԵՑ ԱՍՏՎԱԾԱՇՆՉՅԱՆ ԸՆԿԵՐՈՒԹՅԱՆ ՄԵՐՉԱՎՈՐ ԱՐԵՎԵԼՔԻ ՈՒ ԵՎՐՈՊԱՅԻ ԲԱԺՆԻ ԳԼԽԱՎՈՐ ՔԱՐՏՈՒՂԱՐԻՆ

Մարտի 20-ին Ն. Ս. Օ. Ս. Տ. Գարեգին Բ Ամենայն Հայոց Կաթողիկոսն ընդունեց Աստվածաշնչյան ընկերության Մերձավոր Արևելքի ու Եվրոպայի բաժնի գլխավոր քարտուղար դոկտ. Միլեր Միլոյին:

Նորին Սրբությունը, ողջունելով դոկտ. Միլոյի անդրանիկ այցը Մայր Աթոռ Ս. Էջմիածին, բարձր գնահատեց Աստվածաշնչյան ընկերության գործունեությունը:

Իր հերթին դոկտ. Միլոյը, անդրադառնալով 1990 թ. ի վեր ընկերության գործունեությանը Հայաստանում, առանձնապես կարևոր նկատեց Մայր Աթոռ Ս. Էջմիածնի հետ համագործակցությունը: Վերջինիս վկայությունն է՝ այն, որ դեռևս անցած տարիներից Ամենայն Հայոց Հայրապետի հանձնարարությամբ Հայաստանի Աստվածաշնչյան ընկերությունը հանձն է առել Ս. Գրքի արևելահայերեն հրապարակության վերանայման և նոր հրապարակության աշխատանքները:

Հանդիպման ընթացքում մտախոհություն հայտնվեց տարբեր աղանդների կողմից իրենց քարոզչությանը հարմարեցված, աղավաղված տարբերակով Աստվածաշնչի հրապարակման և տարածման առնչությամբ, ինչը շփոթ ու թյուրմեթոնում է առաջացնում ժողովրդի մոտ:

ՎԵՏԱՓԱՍ ՀԱՅՐԱՊԵՏՆ ԸՆԴՈՒՆԵՑ ԶՈՒՆ ԲՈՒՏՐՈՅԻՆ

Մարտի 21-ին Ն. Ս. Օ. Ս. Տ. Գարեգին Բ Ամենայն Հայոց Կաթողիկոսն ընդունեց Հայաստանում ՄԱԿ-ի նորանշանակ կոորդինատոր, ՄԱԿ-ի Զարգացման ծրագրի մշտական ներկայացուցիչ Զոնել Բուրոյին:

Հանդիպման ընթացքում խոսվեց Մայր Աթոռ Ս. Էջմիածնի և ՄԱԿ-ի հայաստանյան գրասենյակի միջև հնարավոր համագործակցության շուրջ՝ մասնավորապես կարիքավորներին օգնություն փրամադրելու, ինչպես նաև չքավորության կրճատմանն ուղղված աշխատանքներում: Ողջունելով վերջինիս վերաբերյալ պրն Բուրոյի առաջարկը, Նորին Սրբությունը համառոտակի ներկայացրեց Մայր Աթոռի կողմից իրականացվող սոցիալական այն ծրագրերը, որպեսզի կարող են ուրվագրվել համագործակցության եզրեր:

Հանդիպման ավարտին Վեհափառ Հայրապետը Աստուծո գորակցությունը մաղթեց պրն Բուրոյին իր նոր առաքելության մեջ՝ բարձր գնահատելով կազմակերպության ներդրումը Հայաստանի առաջընթացի ու ժողովրդավարական կառույցների ամրապնդման գործում:

ՎԵՏԱՓԱՌ ՀԱՅՐԱՊԵՏՆ ԸՆԴՈՒՆԵՑ ՌԴ ՆԵՐՔԻՆ

ԳՈՐԾԵՐԻ ՆԱԽԱՐԱՐ ԲՈՐԻՍ ԳՐԻԶԼՈՎԻ ԳԼԽԱՎՈՐԱԾ ՊԱՏՎԻՐԱԿՈՒԹՅՈՒՆԸ

Մարտի 22-ին Ն. Ս. Օ. Տ. Տ. Գարեգին Բ Ամենայն Հայոց Կաթողիկոսն ընդունեց Ռուսաստանի Դաշնության ներքին գործերի նախարար Բորիս Գրիզլովի գլխավորած պարմիրակությանը՝ ՏՏ ՆԳ նախարար Հայկ Հարությունյանի ուղեկցությամբ:

Հանդիպման ընթացքում ՏՏ և ՌԴ նախարարները Վեհափառ Հայրապետին ներկայացրեցին երկու երկրների իրավապահ մարմինների փոխգործակցությունը՝ գոհունակությամբ նշելով վերջինիս արդյունավետության մասին:

Նորին Սրբությունը ուրախություն հայտնեց, որ իրավապահ մարմինների համագործակցությունը զալիս է հաստատվելու այն իրողությունը, որ դարերի թնությունը բռնած հայ և ռուս ժողովուրդների բարեկամությունը շարունակվում է զարգանալ նույն եղբայրության և փոխհասկացողության ոգով: Ինչպես նշեց Վեհափառ Հայրապետը, այդ ոգին առկա է նաև Հայ Եկեղեցում, որի Հայրապետները ևս դարեր շարունակ նպաստել են երկու ժողովուրդների բարեկամության կերտմանը:

Հանդիպմանը ներկա էին Հայաստանում ՌԴ դեսպան Անատոլի Դոյուկովը և Մայր Աթոռ Ս. Էջմիածնի միջնեկեղեցական բաժնի պարասխանատու Տ. Եզնիկ եպս. Պետրոսյանը:

ՎԵՆՎՓԱՌ ՀԱՅՐԱՊԵՏՆ ԸՆԴՈՒՆԵՑ ԱՄՆ ՍԵՆԱՏՈՐ ԶԵՔ ՍՔՈԹԻՆ

Մարտի 24-ին Ն. Ս. Օ. Տ. Տ. Գարեգին Բ Ամենայն Հայոց Կաթողիկոսն ընդունեց ԱՄՆ սենատոր Զեք Սքոթին՝ Արևմտյան ԱՄՆ-ի Հայ Դատի հանձնախմբի անդամների ուղեկցությամբ:

Կալիֆոռնիայի նահանգը, որի սենատի անդամն է Զեք Սքոթը, ամենահայաշատն է ԱՄՆ-ում:

Նորին Սրբությունը ողջունելով սենատորին, բարձր գնահատեց նրա ջանքերը նահանգային օրենսդիր մարմնում Հայոց Մեծ եղեռնի խնդիրը բարձրացնելու և պաշտպանելու համար: Վեհափառ Հայրապետն անդրադարձավ նաև Մայր Աթոռ Ս. Էջմիածնի 1700-ամյա պարմությանը, Հայ Եկեղեցու ներկա կյանքին:

Սենատոր Զեք Սքոթը շնորհակալություն հայտնեց ընդունելության համար և հավաստիացրեց, որ շարունակելու է իր գործունեությամբ նպաստել երկու երկրների կապերի սերտացմանն ու ամրապնդմանը:

ՎԵՆՎՓԱՌ ՀԱՅՐԱՊԵՏՆ ԸՆԴՈՒՆԵՑ ՀԱՅԱՍՏԱՆՈՒԾ ՀՈՒՆԱՍՏԱՆԻ ԴԵՄՊԱՆԻՆ

Մարտի 29-ին Ն. Ս. Օ. Տ. Տ. Գարեգին Բ Ամենայն Հայոց Կաթողիկոսն ընդունեց Հայաստանում Հունաստանի Հանրապետության նորանշանակ դեսպան Անտոնիոս Վլավիանոսին և իր ողջույնն ու բարեմաղթանքը հայտնեց նրան Հայաստանում դիվանագիտական առաքելություն սկսելու առիթով:

Զրույցի ընթացքում Վեհափառ Հայրապետն ուրախություն հայտնեց, որ Հայաստան-Հունաստան պարմական կապերն արդի ժամանակներում ամրապնդվում են ջերմ համագործակցությամբ: Այս առիթով Նորին Սրբությունն ասաց, թե վստահ է, որ նորանշանակ դեսպանն, ինչպես իր նախորդը, մեծապես նպաստելու է երկու երկրների և ժողովուրդների հարաբերությունների առավել զարգացմանը:

ՄԱՅՐ ԱԹՈՌ Ս. ԷԶՄԻԱՄԻՆԻ ՏԵՂԵԿԱՏՎԱԿԱՆ ՀԱՄԱԿԱՐԳ